



07274

柳南詩鈔

同學

沈歸愚
陳見復

兩先生點定

虞山王東澍著

序

海虞之結詩課者四人爲侯子秉衡陳子亦韓汪子西
京王子東澱四人皆以道自重發爲文辭者也余先後
得而友之秉衡詩骨幹開張亦韓詩清腴近道西京詩
綺麗精深而穿穴今古格合氣諧鏘然而玉應盎然而
春溫不問知爲東澱之詩也夫詩道之壞在性情境地
之不問而務期乎苟同前明中葉李獻吉何大復以復

古倡率天下天下靡然從風家北地而戶信陽於是土
舊文繡詢誦富時咎學李何者并李何而咎之後濟南

柳南詩鈔

序

一

婁東紹述李何天下皆王李也公安竟陵掣擊王李天
下皆二袁鍾譚也苟同之弊必至於此今東澱清潔自
好與三人略同而言志永言彼此不襲一章一句自有
眞精神面目存乎其間旣非折楊皇琴之詞亦無黃荊
白葦之誚於乎是爲東澱之詩也已先是虞山詩老爲
錢尚書受之出尙書之門而繼起者爲馮高士定遠錢
出入於昌黎香山眉山劍南之間馮得力在子山孝穆
義山飛卿之間兩賢學術才氣故非一軌而鄉之後進
者並宗之昔我有先正其言明且清君子貴原本乎前
賢也東澱生詩老代興之後言論風旨飭聞而孰復之

矣乃平日持論謂傑魁之才肆而好盡此又學錢而失
之輕俊之徒巧而近纖此又學馮而失之窺其意殆欲
以雋永超詣化學兩家者之不足是豈一鄉風尚所得
而拘圍之者與夫既不苟同於前人而豈或苟同於同
結詩課者與抑聞之苟卿氏曰藝之至者不兩能東激
素長於詩而古文刻鏤真宰詞必已出雜志隨筆博洽
貫穿可謂藝之至而兩能者詩人文人俱得而屬焉或
仍有專長者存也吾將進秉衡三子而問之

柳南詩鈔總目

虞山 王應奎

東潞



卷一

古體詩五十五首

卷二

古體詩四十五首

卷三

今體詩七十八首

卷四

今體詩七十七首

柳南詩鈔

總目

卷五

今體詩七十八首

卷六

今體詩七十六首

卷七

今體詩七十八首

卷八

今體詩七十七首

卷九

今體詩八十二首

卷十

令體詩七十八首

柳南詩鈔總目終

柳南詩鈔

總目

二

柳南詩鈔卷一

虞山 王應奎

東澱

古體詩一

詠史八首

子房帝者師。韓信無雙士。當其未遇時。往往能屈體。一
甘伏袴下。一敬納墜履。英雄識故同。惟忍斯有濟。悻悻
見於面。渺小丈夫耳。
秦政讐詩書。一炬盡簡編。又恐載儒腹。坑以絕其傳。獨
惜祖穆公。當時亦稱賢。如何遺亂命。三良竟殉焉。惴惴
臨其穴。已開坑。儒先

柳南詩鈔

卷一

古體一

一羊烟雨中。忍饑引淮水。漂母爲進食。王孫免餓死。厥
後鐘室謀。計乃出呂雉。英雄何在哉。淮水猶瀾瀾。可憐
三齊王。生死兩女子。

兩賢豈相厄。聞言卽不追。沛公旣踐祚。竟以是殺之。目
爲人臣戒。斯語亦誰欺。丁公誠不忠。項伯獨何爲。舞劍
以身蔽。不記鴻門時。

鴻門事急時。生死爭一瞥。樊噲側盾入。重瞳氣爲奪。不
然釜中魚。前迫恐難脫。論功於漢廷。舞陽當第一。安用
詩書爲。屠夫洵豪傑。

明妃色無雙。抱恨絕域死。至今高冢在。青草連沙起。

古傾人國強半由女子安知明妃留不令漢室圯炎祚
得再延請歸功畫史

勿安昔鋤園舉鋤見黃金揮去勿復顧介節誠足欽貨
惡棄於地宣聖垂良箴倘用以周卹庶與斯義黍竊謂
揮金者猶有見金心

梁武呼荷荷漢成笑吃吃侯景攝魂使飛燕鈞命卒爲
讐與爲恩到此難區別人人生有究竟究竟惟此日我慕
陳文範飾巾待命訖

春去曲

朝來盡說春歸去試問春歸在何處或云迎春自東郊

柳南詩鈔

卷一 古體一

二

送春須向來時路來時路綠陰濃東君究竟無行踪但
見野塚纍纍芳草中當時塚中人亦曾解送春幾度送
春人已老春光自古不常好

咏物二首和友人

獨夜坐粧樓湘簾試捲起舉頭見纖纖恰與簾鉤似月
從今夕生愁亦今夕始月鉤

水面翠交加牽萍復依藻我欲贈將離難繡鴛鴦鳥不
如任縱橫絆住行人棹若帶

春日二願行

元墓梅花皚皚白腐化玉粒從堆積太湖春水浩浩深

願化醇酎供沉酣。東南萬室醉且飽。窮愁之民變瓦甌。
甌生也得貳。其中旦夕鼓腹歌黃農。

題汪西京泛海小照

披圖何茫然。不辨天與地之子。淡蕩人一槎。信所至。似
厭軟紅塵。烟波聊託寄。天吳併海若。出沒共游戲。矯首
三神山。隱隱流丹翠。帆行鬣背上。水急風更利。何不多
齋糧。徑造斗牛次。支機石有無。歸來休自秘。

春消雨後一日過長壽菴訪素風禪師

春消卧病中。彈指過穀雨。今朝入西城。吟鞭指松塢。一
徑石磴確。隔樹聞齋鼓。閒尋贊公房。禪扉閉卓午。藤蘿

柳南詩鈔

卷一 古體一

三

牽石墻。松鼠竄巖戶。入門風颯然。翠陰搖竹圃。小憩十
笏內。琴書亦楚楚。拾薪爨瓦鐺。茶烟飄一縷。坐對竟忘
言。靜穆如太古。轉覺意味長。絕勝揮談塵。青山解留人。
幾忘歸路阻。暮靄忽蒼然。行行迷江浦。

懷陳亦韓

陳君湖海士。學富羅衆有。才名廿餘載。不分困林藪。猶
記把袂時。山城近重九。一昔鯉魚風。搖落溪橋柳。客館
正淒涼。叩門來好友。示我閨秋詩。吟罷輒俯首。小別忽
判年。花開到紅藕。新篇滿篋中。想見清于瀏。論文復幾
時。好剪江村韭。

懷汪西京

我家海上村。君客橫塘路。百里水迢迢。花時阻良晤。相思寄暮雲。隨風欲飛去。綠羅翠篠邊。想見孤吟處。一卷青邱詩。消盡江城雨。聞註高集將成故云

懷謝憲南

曉來溪上行。遙見虞仲山。君家山之北。山翠落松關。見山如見君。可望不可攀。綠陰如水處。把卷坐其間。山中一片雲。與君時往還。

題墨梅爲三峯川回大師六十壽

何人傾墨瀋。寫此梅花圖。梅花冰雪姿。桃李堪爲奴。吾師愛梅者。品格寒香如。空山寄蕭散。未許塵埃汗。梅開識歲換。梅落知春徂。不覺甲子周。霜華點頭顱。樹老骨不媚。僧老形亦癯。高坐曲蓋床。舌底青蓮敷。一函寄祝筵。尺幅含香跣。何不試神通。散花滿東吳。俾此五濁土。化爲清淨區。此圖猶跡耳。一笑南枝疎。

浩歌行

蒼鷹繼韞上。野鶴圍籠中。踟舂復踟舂。何時騰雲風。一朝大笑出門去。雲爲輪兮風爲御。翻身直上蓬萊巔。手搦瑤草攀琪樹。傳勅青童進玉漿。飲如長鯨吸川不知數。醉死便須借一瓊。神仙窟宅我邱墓。區區此願未易

盈浩歌一聲天地驚

題樾亭上人栢堂將母圖

虛堂生翠涼。老樹橫檐起。之子學佛人。奉母隱於此。爲
分伊蒲餽。聊代仲氏米。俗眼休詆訶。古德亦如是。道明
住閒房。慈明還故里。孝養叶白華。千載光禪史。如何絕
裾者。乃貽士林恥。我欲懸此圖。用愧爲人子。

送貫一上人參學三峯

一徑靑冥冥。寒雲翳山寺。阿師踏散雲。欲了西來意。隱
隱松風聲。引入三摩地。况有大導師。法門開不二。努力
在蒲團。不須立文字。此是三峯禪。阿師其識未。

柳南詩鈔

卷一 古體一

五

送憲南以選貢入太學

雍正元年春。國家文運昌。詔開拔萃科。網羅徧八荒。
之子江東秀。飛步翰墨場。卓哉謝庭玉。意氣殊蹶張。筆
陣掃千軍。詞源湧三湘。况有元凱癖。淹洽窮巾箱。一朝
明經薦。西笑指帝鄉。諸生得何蕃。石鼓亦生光。昔與
子訂交。年各二十強。連枝凝結托。比翼憐翺翔。出共李
膺舟。入對張籍床。十日不見面。一封寄夜航。忽忽廿載
餘。鬚眉並老蒼。子今貢王廷。雲路佇騰驤。載書戒行
李。住矣。乘秋涼。械械下黃葉。曄曄吟寒螿。蕭蕭落日斜。
渺渺江。不長。執手立河橋。車鼓轉中腸。願進徹器言。期

子母相忘。吾子磊落人。議論尤激昂。一切章句儒。吐棄若糝糠。是非與黑白。往往過周詳。青萍非不利。未用貴韞鍔。白珩非不美。待價須善藏。直道世不容。蛾眉愁暗傷。國學人才藪。俊髦盈兩廂。和光而同塵。君其師伯陽。

寒缸和西京

竹屋闕青熒。冷光半明滅。獨居知夜永。愁共燈花結。寒重焰不高。照影亦孤子。寂寥復寂寥。遙映空階雪。

秋夜寄宿塔院憲南偕雲間曹諤廷過訪

寺門落葉深入夜。轉蕭瑟幽人踏葉至。山犬吠雲出一燈翳復明。叅語維摩室。明朝客路中。應羨予閒適。憲南將子

初百詩金

卷一 古體一

六

次日
北上

題貫一上人小照

谷口孤烟曠。秋月起寒色。流光散平地。溶溶連水碧。水碧月更清。天宇淨如拭。獨立空明中。禪機有誰識。

白隄楊柳世

春風吹綠白隄樹。隄上陰濃涼似雨。吳娘生長柳絲中。嫋嫋纖腰欲共舞。去年嫁得冶遊郎。解描柳葉矜眉嫵。道郎情似柳絲長。相依永作鴛鴦侶。郎今何事輕遠離。斟酌橋東征馬嘶。征馬嘶牽郎衣。一鞭柳外去不顧。飛絮吹沒郎馬蹄。

半山樓詩爲洪學博賦

虞山半在城寒翠起岩石富春遺粉本一垣界峭壁先
生淡蕩人去官仍作客買屋琴水西門巷古苔色小閣
帶烟蘿面勢臨空碧的的玉芙蓉葱蒨可攬摘天開想
先画一角留痕迹松深滄綠雲竹動散青翼夕霏與朝
爽變態異唇刻攢簇入簾鉤疆界拓眼力大地未爲寬
小樓詎嫌窄想見拄笏時襟懷空八極

題金蒼溪小影

五粒闕于歲之而互撐突避世者誰子疑是古莫格山
童勵藥歸松風颼然發

柳百詩鈔

卷一 古體一

七

送素風禪師移錫白雀寺

吾家雅宜翁風流渺千載養疴白雀寺至今題字在阿
師携錫往弔古發長慨詩書餘結習吟聲雜梵唄縱類
石門禪詎弛木叉戒行矣謝煩囂一龕烟水外何時從
結夏岸幘聽松籟

閏三月二十六日同以寧秉衡亦韓西京季戒飲

西郊酒家眼賦綠字

春盡雨聲中朝來吐晴旭素心五六人尋幽不待速出
自鎖海河陰陰滋灌木紆迴樵路細截峩雲峯轟風吹
忍冬花幽香滿空谷坐久愜心賞山氣清人目晚來興

未闌轉入西山麓。傍柳板橋東。青帘出茅屋。小憩夕陽樓。捲簾寄遙矚。紅雨糝一庭。孤雲墮兩角。烟暝竹林間。歸鳥飛肅肅。首夏氣清和。山厨櫻筍熟。時物既鮮美。載漿况新漉。不樂復如何。隣境空草綠。

東坡愛僧守詮詩清遠因次其韻予亦追和二首

一僧踏月歸。遙指雲中寺。露重石聲礪。行行滑草屨。山鳥聞人聲。松頂忽飛去。冥色下巖壑。捫蘿投野寺。一徑亂黃葉。飛來迎杖屨。行隨月影轉。入前林去。

予和守詮詩既就因念僧中如吾友素公者其詩

柳南詩鈔

卷一

古體一

八

庶幾守詮之匹。惜無坡翁賞識耳。復成二首寄之。
徑轉小三石。林樾蔽古寺。山翠上寒衲。澗流濕芒屨。白雲留共宿。啓戶忽飛去。

道高一鉢塵。吟向六朝寺。

馮東村贈公句

憶着東村詩。便欲追

杖屨。何當採芙蓉。又泛秋江去。

近聞公往白雀寺看芙蓉故云

題唐石耕花卉卷爲吳門江樹圃

雜花之林衆香國。墻東半畝紅間白。白者如銀紅似錦。春葩秋卉並手植。客來盡道入畫中。趙昌渲染徐熙墨。石耕山人寫生手。落筆不落昌熙後。爛漫生綃一卷花。我家園中千枝萬枝俱。奄有春葩艷而肥。秋卉淡而瘦。

筆機活潑筆力道。不本縱橫草木茂。真者如畫。似有無聲。詩中別有春黃蜂粉蝶。爭欲上開卷。便覺香氤氳。阿誰賞鑒矜藏弄。吳門好事文通裔。傳家闔有五色花。曷不題詩卷額。爭禮麗。

西京五十初度用蘇韻賦贈者甚夥予不暇以為

至煩誰讓因勉成此篇

梧葉落尚稀。桂花開未半。覽揆值良辰。請君釋愁嘆。祿

位何足多。泉石實堪玩。不見東隣子。富貴一朝散。有勿指

懷捧檄心。且結耦耕伴。長夜任漫漫。詎傷何時日。入夢

有松風。勞形無牘案。山房白太古。君所居名一榻。太古山房。一榻殘書

柳南詩鈔

卷一

古體一

九

亂學海。洵淵淳。晨夕勤漱盥。孰云魯少儒。冠圓而佩緩。

有眼兼有道。天人一以貫。五十困棘津。見韓詩外傳。非關才

力懦。譬彼暉陽桐。有時充薪炭。世無公孫弘。誰築翹材

館。不辭負米勞。寧羨重茵暖。為君補白華。門子歌粲粲。

十月九日寧野招集菊圃以采菊東籬下為韻

詩人種菊成。菊亦分毫彩。金英各垂垂。寒香復藹藹。緬

懷栗里翁。風流渺千載。當時三徑內。未許俗人采。

就竹開三徑。種花還繞竹。花依寒翠香。酒向芳叢漉。一

醉共長吟。吟聲滿空谷。菊影瘦於詩。詩情冷於菊。

吹來香風冷。隱隱候橋東。隨香過溪橋。一笑臨花叢。秋

光清於水惟菊與之同對菊如不飲能無愧陶公

苔徑擁疎叢。石根散瘦姿。此是隱者花。偏於隱者宜。調
養菊性情。半載臨花期。掣鈴與施障。何如衛以籬。
白雲水上飛。黃葉烟中墮。小園入廡秋。霜叢開朶朶。置
酒飲花前。花偏呈婀娜。美人遲暮心。小立斜陽下。

僧舍訪菊次西疇韻

風吹香隱隱。隔溪知有菊。踏葉軟僧廬。小犬吠深竹。爲
尋花開處。籬東路亦熟。久坐寒香中。夕烟暝幽谷。

六月二十四日同西疇寧野水亭諸君看荷智林
僧舍西疇卽邀至其居小飲

柳南詩鈔

卷一 古體一

十一

濯枝無雨赤日長。鳳仙葉卷如負傷。甌中兀坐苦隆熾。
沁心還憶荷花香。朝來喜值花生日。犯暑結伴遊僧房。
入門修竹夾三徑。竹外一水環滄浪。西方九品舊遺種。
亭亭波面呈紅妝。花光竹色互廻映。美人韻士真相當。
風遞幽香撲鼻觀。心清頓使熱惱忘。茶瓜留客味寂寞。
恨無濁酒澆詩腸。吾宗右丞頗好事。歸路拉入歙湖莊。
宿儲老春香且醺。開尊樹下移胡床。折來荷柄猶在手。
碧筩飲喜生清涼。觥籌交錯拇陣亂。爭雄勢欲傾千觴。
不禁狂態恣傷僮。須臾徑入無功鄉。主人爲言荷盛處。
從此西云隔野塘。風潭百頃花爛漫。何異粉面充明光。

燕趙三丁並佳麗。宿房所見猶尋常。酒闌能鼓餘興否。
隣家便可借野航。余聞欣然卽規往。諸君醕酌並欲僵。
出門西望遙指點。日斜烟水空茫茫。

賣硯行 己酉

第一殺風景。薪琴與脯鶴。近事大類此。端溪硯賣却無。
復墨花香几案亦索莫。萍妃入我夢。嗔我情太薄。我非
薄情者。爲妃陳其略。江南財賦地。旱澇歲間作。逋稅千
萬緡。簿籍半貧弱。官請分年征。輸將敢勿恪。朝廷嚴
清查。大吏遣繹絡。恩詔荷停追。急公民自若。東隣賣
田園。無地安耕鑿。西隣賣室廬。轉徙死溝壑。于汝復何
有。而敢私諸彙。况今薄賣文。石田歲無穫。留汝亦何用。
徒費我筆削。請妃從此逝。豪家安所托。妃乃去。冉冉夢
回餘錯愕。是時夜向闌。殘燈暗簾閣。

輓崇川李範蓮孝廉

茫茫大海中。東沙一髮耳。先生誕其間。華星秋月比。一
朝騎鯨往。星隕月不朏。聞者爲盡傷。何必盡知己。憶昔
栢蘊高。訂交秦淮渙。文筆擅風流。芙蓉出秋水。衣鉢有
真傳。是爲先生弟。憶昔李鴻珊。結契玉山趾。和我登高
作。字字悉珠璣。箕裘能不墜。是爲先生子。子未識先生。
聞名深仰止。先灑而通泣。先喬而識梓。方擬因兩君。搥

衣親風。目如何。天不弔。竟令此人死。黃土埋瓊枝。嚴霜摧蘭芷。老成不可作。虎賁空貌似。方切文舉悲。北望爲流涕。海水亦助哀。汨汨隨風起。

題許桐齋觀荷小影

許子品格青蓮如。亭亭不受塵埃汙。中通外直德旣備。舌底況有蓮花敷。芰荷爲裳安且吉。章身底要青紫紆。生平雅有濂溪癖。誕辰况值荷香初。阿誰寫君入圖。三尺幅之內。開江湖。木蘭艇子蜻蜓尾。一橈宛轉浴菰蒲。朝來荷花開爛漫。水宮仙子麗且都。疎風蘋末起蕭颯。落紅亂點碧玉鋪。遊魚堂堂復策策。啖影倏忽凌空虛。

柳南詩鈔

卷一 古體一

十一

此遊未許俗人伴。膝前自挈雙明珠。興來荷柄折在手。碧筒飲可盡百壺。酒酣追然發鸞嘯。花外拍拍起野鳧。斜陽欲落還未落。扣舷且復留斯須。濠濮會心不在遠。安知惠莊非我徒。冷然便欲御風去。揮手爲謝圓冠儒。問君樂乎樂未已。更請蠟屐登遙途。不見華山玉井上。花開十丈紅蕭疎。

二月四日寧野招飲梅花下分韻得瘦字

近市園林如四就。檀籬迴環花木秀。中有梅花十數株。株株屈鐵苔斑厚。開時的皜白于銀。冰肌雪骨離塵垢。兩枝低傍竹林斜。萬玉叢中梢半透。果然林下美人來。

影動珊珊移翠袖。玉人自是逋仙徒。一亭待向花中攬。
好事如君有幾家。風流不忝阿瑛後。朝來置酒荷招延。
南枝恰值開齊候。入門花氣淡濛濛。游蜂趁暖喧晴晝。
午風吹動玉丫叉。瓣落盃中還細嗅。不覺寒香沁酒腸。
一壺熨盡雙眉皺。堪嘆浮生似夢中。烏飛兔走偏馳驟。
看花把酒在及時。安用鱗魚兼紫綬。不知從此更幾回。
梅邊並聳吟肩瘦。

三月望日過亦韓東臯村莊邂逅錫山李芥軒把
酒論文淹留竟日芥軒有詩記事不揣蕪陋輒爲

繼聲

柳南詩鈔

卷一 古體一

七

瘦雨浣山花。疎風櫛溪柳。春色苦無多。望遠一搔首。乘
興訪高人。更遇高人友。道貌儼崖然。白髮蒼顏叟。衣冠
留渟朴。風骨餘抖擻。已盲西河目。猶給東方口。自言家
水村。鴻山帶其右。當門罨綠榆。曲港攢紅藕。承與外人
隔。烟波落吾手。興至發謳吟。漁歌共子嘯。須臾倒行囊。
篇章殊富有。東野胃賢招。昌谷心肝嘔。句奇語更重。讀
罷驚欲走。主人爲具饌。屢過牆頭酒。一觴復一咏。不覺
淹留久。暮靄滃村墟。夕陽掛林阜。臨別假餘盃。敬起爲
公壽。他時眼復明。歷數遊踪舊。東臯路未遙。頻放扁舟

四月九日西嶠招飲紫藤下分韻得表字

紫藤開雨餘。萬串垂嬋嬋。散髮坐花陰。啣杯聽林鳥。置
身嵇阮間。抗志埃壘表。一笑指遙山。隔溪青未了。
遶舍青濛濛。波色上林表。文字飲偏濃。素心人不少。苔
階散紫英。竹徑飛青鳥。行樂在及時。詎須婚嫁了。

東門行

出東門。望東行。題橋客。棄繻生。一往不顧成功名。而我
頭顱已如許。終年衣食徒營營。丈夫生有四方志。何事
束縛其身摧。顏其形。常如檻中之虎。韉上之鷹。朝來仗
劍出門去。妻子牽袂臨前楹。歛衽進一言。勸君行勿輕。

柳南詩鈔

卷一 古體一

四

水行浪瀟灑。山行獸猙獰。車行防轍覆。馬行懼蹄傾。况
聞萑苻內。盜賊方縱橫。世路險如此。人心尤不平。吁嗟
行路難。問君胡爲役。役思長征堂上。况有老親在。君去
難爲白首情。君無衣機中之布。妾能成君無食圃中之
蔬。妾能烹不如相與守貧賤。讀書垂鈞安。茅衡我聞此
語。心怛怛。低頭嘆息還柴荆。

素公久病初起中秋後二日值其生辰同人集息

影齋用韋左司莊嚴精舍遊集韻

秋入翫公房。落葉飄庭隅。幽篁宜竹杖。安步輕鑿衢。主
人病骨蘇。氣共涼風舒。座中諸老翁。屈指誠區區。見陶詩

吟聲雜梵。咽香案。分文殊。更喜酒戒寬。留題醉墨濡。一朝脫塵鞅。竟日恣情娛。風高宗炳社。未許俗士俱。

雨後秦坡觀瀑

白龍天矯行山。既批巖轉。整垂尾修。殷殷田田。喧兩耳。此澗無乃龍之湫。忽下一層急。奔注分而爲兩。東西遊。玉甲蕩無檢。銀鱗縱不收。有時東西會。合勢轉道到處。衝突昂其頭。崩崖一落。隄千丈。片鱗半甲。猶堪求前者。既赴壑。後者復經邱。呼朋引類。相蚬蟻。噴珠濺玉。無時休。我來秦坡。值斯境。白光閃閃。迎雙眸。是水是龍。幾莫辨。得無老眼昏。花不北山之北。林麓幽。地鍾靈氣。饒澗流。破龍徒濺濺。鳥目空悠悠。破龍鳥目並澗名爭似秦坡澗中。雨餘水如龍。蜿蜒出沒。驚殊尤急。須攜酒乘時賞。無使明朝水涸。龍去石空留。

柳南詩鈔

卷一

古體一

五

虞山 王應奎 東澱

古體詩二

春盡日寄西疇短歌

三日新婦關房樅。動轉不得氣怏怏。見南史曹景宗傳九尺丈

夫居小屋。頭不能伸如被壓。見陸放翁東屯記一體况味亦復

同坐穿木榻如遠東。穀雨過來春又盡。韶光去我真匆匆。

匆最憶西疇花事好。紫藤萬中垂嫋嫋。王家步障夕陽

烘。錢王錦樹流霞繞。主人約我穀雨歸。一杯好共花前

揮花不待人。今落盡夢魂。猶向枝頭飛。明朝便擬移歸

柳南詩鈔

卷二 古體二

一

棹尋花還詣西溪澳。竹萌未老豆子肥。小具盤飧足傾
倒。三日新婦步出門。九尺丈夫頭。遽伸從君放誕。藤陰
裡一醉何妨笑脫巾。

懷友十章

襄陽耆舊在。問年逾大耋。涉冰履虎尾。豪氣曾不折。老
去作寓公。賣文生計拙。黃岡王僉都子重

髻也豪於酒。酒酣詩興發。落落數千言。揮灑恒不竭。世

無信陵君。夷門空白髮。嘉定侯上舍秉衡

癯然東陽瘦。海內推詞伯。一朝下蒲輪。足徵稽古力。莫

便戀金門北。山負潁石。長洲沈徵君確士

才華推

陸君也。生其里。文筆亞前良。芳條森森起。望

望金馬門。大書成信史。

上海曹大父詩廷

不。皇。淡。蕩。人。懷。抱。滿。冰。雪。動。作。脫。官。樣。仕。宦。藐。不。屑。忍。飢。日。誦。經。千。載。仰。高。潔。同里陳進士亦韓

汪。郎。不。羈。人。跌。宕。頗。自。喜。風。懷。並。牧。之。詩。句。亦。相。似。何。

處。見。情。深。門。外。桃。花。水。

同里汪明經西京

江。左。數。才。華。謝。郎。實。其。選。傳。家。芙。蓉。筆。雕。績。翻。滿。眼。名。

高。銀。花。榜。依。然。毓。墳。典。

同里謝進士憲南

每。吟。楓。落。句。想。見。吳。江。冷。之。子。住。江。臯。白。雲。在。峻。嶺。文。

筆。亦。飄。飄。天。外。空。雲。影。

吳江周上舍旭之

柳。阿。詩。鈔

卷。二

古。體。二

二

張。郎。膂。力。雄。筆。力。亦。透。紙。家。學。紹。橫。渠。頭。能。析。名。理。此。日。孝。廉。船。遙。遙。在。湘。水。太倉張孝廉冰瑛

小。邑。渺。東。瀛。園。林。推。柏。大。承。

恩休沐歸還解松下帶

想。見。奉。版。輿。行。樂。烟。波。外。

崇明柏太史蘊高

九。月。十。三。日。西。疇。招。集。草。堂。分。韻。得。九。字

棘。人。守。東。牆。十。句。織。笑。口。風。木。有。餘。悲。無。心。問。詩。酒。佳。節。過。重。陽。霜。蕪。蘼。溪。橋。柳。朝。來。辱。嘉。招。策。杖。到。隴。畝。柴。門。爲。客。開。落。葉。除。苔。帚。素。心。三。四。人。取。次。欣。握。手。家。釀。出。真。一。小。食。具。牢。九。滋。味。致。虞。棕。匪。徒。剪。畦。韭。吾。輩。類。詩。囚。茲。辰。說。枷。杻。探。韻。補。題。餽。精。神。各。抖。擻。吟。成。互。欣。賞。

不覺盡一斗。時事訝傳聞。禹湖龍去否。廟算素周詳。杞憂復何有。且盡竹林觴。自辰還到西。餘興在黃花。歸途尋菊叟。

寄懷貫一大師次常尉咏三峯韻

三峯如八字。紺宇藏深松。松深滄綠烟。漠漠路幾重。阿師松下住。超然脫塵踪。念佛共林鳥。聽徑呼鉢龍。朝霞與夕靄。鑄就枯禪容。憶在西巷時。話雨披心胸。住山歷五載。孤標絕依從。一角嬾殘巖。遙企烟霞峰。虛窻散蘿月。幽澗吟寒蛩。擬就支公宿。細聽霜林鐘。

送素風禪師養病三峰次西澗翁韻

柳南詩鈔

卷二 古體二

三

一徑入烟蘿。山塢轉寥廓。澗深泉欲歎。樹老藤纏縛。隔斷人間世。塵埃何處着。古寺做清涼。臺殿何年作。奇石轟巖戶。天工司斧鑿。阿師清淨僧。西菴守寂寞。貝葉穀皮書。方寸悉包絡。近示維摩疾。閉關嚴鎖鑰。靈境憶三峰。擬日移囊橐。松風清兩耳。荻花納雙脚。如鳥翔高冥。如魚縱深壑。因病轉得閒。從此可勿藥。我亦多病人。當秋感搖落。浮生悟飄萍。塵寰知旅泊。世味已脩嘗。蜜甌詎堪嚼。非從方外遊。胸次何由擴。香燈與禪板。殘年會依托。擬叩不二門。明春踏烟郭。按迹牛可尋。摘堦塗琪索。從師究無生。一洗世氣惡。

輓吳烈婦

屠維淵獻建子月田萊竒事人咄咄吳良玉妻姓潘氏
年三十九忽引決問婦胡輕生乃是殉夫節夫死無兒
家又貧恥向他人更求活此身拚付繩三尺繩趨大義
歸同穴是時三伏中氣候正炎熱火雲忽斂陰雲凝天
公爲婦生凜冽河陽之山高巖巖誰家起塋蟲叢闕烈
婦一坏儼相望蓬顆蔽家祭掃絕祭掃絕名章徹富貴
有時盡竒節永不滅

放歌六十韻爲茶圃六十壽

眼前誰是鄒枚徒汪君才調世絕無胸羅四庫兼五車

柳南詩鈔

卷二 古體二

四

發爲文章采藻敷潤埒圭璧圓珠稟經酌雅足楷模
有時覓句撚斷鬚鏤金錯采映不枯研練絕異宋代蠡
才名早歲騰三吳衣裳之會推前驅執牛耳今主盤于孟
君顧白眼一世儒弔詭直擬探蓬壺飄飄待持化人祛
中歲挾策走上都公卿延接競吐哺西林禮遇尤特殊
食具夏屋眞渠渠夏屋作大具以食解見鄭箋公子摳衣趨座隅一
朝念母還蒞蘆如馬出笥鳥出笈吟風弄月完眞吾憶
昔訂交歲執徐君方壯盛顏敷腴軒軒逸氣千里駒不
鄙蕉萃山澤癯傾蓋居然吾友于自茲以還二紀餘以
濕相吻沫相濡比附何啻駮與驢君今六十顏如初登

啼且喜却杖扶。閒居奉母侍板輿。膝前自顧嬰兒如。萊
衣起舞爲歡娛。殘荷秋送香疎疎。律中夷則宮懸弧。厥
明將獻賢能書。諸公袞袞趨徵途。薄笨車子秃尾驢。黃
沙撲面日炙膚。君獨飄然狎野鳧。水雲深處歌鳴鈞。
竿拍斷青珊瑚。不顧世眼嗔迂愚。賤子請從興不孤。相
與拊手含胡盧。笑彼橋褐徒紛拏。縱教旦夕佩紫朱。腐
鼠那足嚇鴝雛。人生堪嘆葭中葦。百年鼎鼎亦易徂。今
吾不樂胡爲乎。况值涼颺落井梧。茅柴酒清殊可沽。江
村饑具登蓴鱸。惟食忘憂語不誑。爲君擊節歌山樞。請
君一笑盡百觚。

柳南詩鈔

卷二 古體二

五

題魚天池擔薪小照

東坡氣節殊錚錚。蘇過乃附梁師成。紫陽道德頗卓卓。
朱浚乃媿賈秋壑。何如開封廉守九世孫。傲岸不踏權
貴門。腰鎌入山混樵子。擔頭留得烟霞痕。藤陰裡。松樹
根。浩歌一曲驚山猿。蒼然暮色自遠至。歸去來兮濁酒
盈。瓦盆。

上元後一日次山侍御招同亦韓西京齋哲集魚

西書屋分韻得集字

風雪送元宵。索居頗悒悒。吾家持斧翁。延客蒙濫及。晝
舍小於船。受兩三人恰。素心以類聚。有如水就濕。

梅半開。一枝撐雪立。傍花設鳥皮。對花傾竹葉。主人品格高。與梅臭味浹。桃李等與臺鼎籙。行調燮。入座阮與嵇。放懷歌復泣。分韻賦新詩。淋漓揮墨汁。江管競吐花。愧我思獨澁。一咏更一觴。不覺夕陽入。旣醉別梅花。茫茫烟靄集。

素風禪師七十

亭亭水中蓮。挺秀出污泥。矯矯雲中鶴。奮翮超群鷄。君不見正法眼藏今。凌夷盲喝瞎棒方交馳。裨販如來良可嗤。木猴而冠居不疑。阿師亭亭復矯矯。與彼凡衲殊相岐。不坐曲衲床。維摩一榻默。誦持不架閒。漢屋青山。

柳南詩鈔

卷二 古體二

六

一角安茅茨。擺壞韞鎖得自在。靜深獨出三界癡。有時歌聲出金石。稱性文字含玄機。石彪解肉醉木駒。頻夜嘶箇中微妙誰能知。寂音再世產琴水。方外蘇黃真瑰奇。以詩交師三十載。有唱必和如壘麓。觀河面目今老矣。詩班認取兩鬢絲。作壘之歲端正月。覽揆初度值古稀。金粟香中稱介壽。支許舊好各有攜。貧贈愧乏人事物。投師所好仍以詩。我詩關空鎖夢琢。冰雪阿誰喻。此狂怪辭。請師寓目。一解頤。便向折脚鐺邊焚佛之。

攬勝石看梅

長圻富梅花。花連湖水白。船窗看不盡。復報登山屐。過

嶺折而西。平廣得巨石。可作千人座。疑是五丁闢。剝蘚
見朱書。攬勝誰題刻。俯瞰白茫茫。梅花復如織。晴雪擦
千堆。素練橫萬尺。種花同種蔬。爛漫滿阡陌。青山環繞
之。天然結花宅。南枝與北枝。恍界一門闕。少借夕陽烘
斧藻。漆光澤。不須庾嶺遊。已作瑤臺客。遙望縹緲峯。盈
盈一水隔。山靈如有知。對花應動色。

石公行

天公亦有嗜奇癖。何年生此石公石。憶昔老友話山翁。
家露潛 爲述勝概殊。歷歷山臨震澤勢。凌空神施鬼設
走生

非人力。排連屹屹儼崇墉。幽窟深深類廣宅。或若步障

柳南詩鈔

卷二

古體二

七

繚而曲。或若棋罝方。更直或爲豹伏蹲。猛爪或作鷹舉
矯健。翮昂藏勢聳若壯夫。偃倭形癯若病客。危崖欲墜
恍繩懸峭壁。中開疑劍劈玲瓏。古竇蜂攢窠。平坦陽坡
簞展席。形狀殊難更僕數。別有天地棲仙釋。我聞此言
輒神往。廿年塵網稽遊屐。茲來恰值春雨後。石添潤澤
色黝黑。耳畔惟聞淅淅聲。山趾怒濤頻撞擊。捩衣直欲
窮其巔。危處側足待扶掖。蕩胸決背神震掉。證以前聞
果無忒。安得喚起話山翁。相與嘯破湖天碧。

有船二十四韻 乙丑

有船銳其首。以箬包裹之名爲箬包船。聚處等茅

家與泛宅。歷海溼江涓。貨或挾幣帛。技或擅卜醫。中有
無良者。行乞如殘黎。計料豺狼心。所志在童兒。其術具
神呪。給兒兒輒迷。牽引至船中。毒手恣所爲。或爲矐其
目。或爲攏其肢。或屈曲其體。如籛條。戚施形骸。幾變盡
何處可尋。追晨朝。負之出。索錢號九達。夕仍負以入。傾
倒囊中資。倘數有不克。怒或加鞭笞。可憐玉雪子。竟成
瞽。與痿。苟延此殘喘。性命危如絲。有時更肆惡。如相但
舉肥入之人。鮓。斃飽噉若餽糜。吸兒腦與髓。嚼兒肝與
脾。從此筋骨強。便可耐刀錐。更按藏器說。賣以療疔羸。
一七爲神膏。索值恒不訾。其毒流遠近。其黨蔓東西。又

柳南詩鈔

卷二

古體二

八

聞太湖中擇地築高祠。神曰抽筋媪。此輩所皈依。端午
暨中秋。廟門舉靈旗。船悉集祠下。以兒爲牲犧。以兒爲
牲犧。狼藉幣與醜。如是已多年。官府今始知。人皆有不
忍。微兒入井時。虎亦有慈心。視兒棄如遺。此輩獨不然。
殺兒轉若蕘。比茹更不仁。比燦更不慈。古云。人性惡。此
語不我欺。

上元後一日。顧子鈍伯五十初度。同人置酒石梅。

書院賦詩稱壽。卽用石梅二韻。

盆然百卉中有物。芳且潔。是爲香之祖。託根雲夢澤。
均德似之。爲佩永無斲。吾友本騷人。抱德潛幽仄。如

在空谷。叢生混荆棘。游戲無聲詩。九畹寄筆墨。較彼爲
佩者。轉覺嗜成癖。吾邑百年來。不乏藝苑客。君擅所南
技。町畦自開闢。肥膩薄帚卷。錢瘦瘠嫌白石。何玉環飛
燕。間豐約兩調。適以之。耗壯歲。歲與紙墨積。不覺年後
年。春秋屆。半百。茲值懸弧辰。燈火過元夕。幽蘭得春風。
玉芽漸吐。折請君一灑。翰爲我開香國。遂歌當壽言。并
以題。画冊。

虞山半在城。形勢殊崔嵬。自西迤而北。一臺傍山隈。阿
摩去已久。斷碣埋荒苔。朝來風日佳。燈市猶喧。歷遊具
置行珍。特向山隈開。競稱吾友壽。爲歌山有臺。吾友年

柳南詩鈔 卷二 古體二 九

五十胸次如嬰孩。善画復能詩。事事妙化裁。設生阿摩
時。臺上應追陪。今日良宴會。談笑無嫌猜。座客盡詩狂。
嵇阮兼歐梅。酒酣吟益豪。作勢相敲推。晝短燭可遊。那
怕頽陽催。當筵一弔古。憑眺生悲哀。高齋十學士。想見
皆清才。飲酒賦詩篇。於此凡幾回。誰知千載下。吾輩連
翩來。請君開酒膽。盡此瓶與壘。古人如有知。健美何如
哉。

飛來峰

奇石同人。身玲瓏。開百竅。何年天竺國。飛來此踞蹕。怪
或如蹲獅。怒或如駭豹。或鳥凌風翔。或魚出水跳。峰勢

既。噴。吮。洞。穴。復。竅。窳。可。皮。馬。牛。羊。可。置。庖。湍。竈。圓。或。如。寶。圭。方。或。如。土。窖。或。自。窄。忽。寬。或。由。順。陡。拘。送。出。一。罇。天。倒。飛。千。尺。瀑。怪。哉。此。巖。石。造。物。弄。奇。巧。一。朝。楊。髡。來。凶。勢。殊。桀。鶩。就。石。琢。成。佛。欲。大。彼。氏。教。何。翅。百。與。千。但。期。形。像。肖。石。丈。設。有。靈。也。應。切。悲。悼。譬。如。好。肌。膚。剝。肉。成。瘡。炮。又。如。無。罪。人。黥。面。成。醜。貌。咄。彼。彌。天。惡。發。塚。徧。湖。喚。可。憐。宋。六。陵。竟。致。骹。骼。暴。叶若。以。俗。眼。觀。二。者。應。難。較。不。知。損。此。石。科。同。發。塚。盜。欲。假。長。鏡。子。鏟。去。俾。無。嘿。更。倩。女。媧。手。缺。處。細。補。造。雲。根。慶。復。全。石。丈。應。含。笑。他。時。倘。飛。還。本。質。庶。完。好。叶

柳南六鈔

卷二

古體二

十

張烈婦輓詩

翼京門外人。喧喧異事驚。詫爭來觀清河有。婦年三紀。昨夜夜半投深淵。問婦胡輕生。乃是殉夫而死。非等閒。婦名孔榮。姓章氏。生長之縣曰秦安。十年乃字通媒。灼越四千里歸張門。二十一不足十九歲。琴耽瑟好。鳴和歡。張郎忽有四方志。囊書襍硯辭邱園。婦守空房心獨苦。扶扶一女同飢寒。前年郎死撫寧縣。婦聞凶問摧心肝。爾時便欲殉九原。又恐厥夫身後事未完。誰招羈鬼魂。誰薦靈几餐。誰卜一抔土。俾營若堂若。安夫棺。隱忍苦廬至。服闋次第事竣。心稍寬。不知前此三年內淫淫。

血淚幾斛頻。珠懸疆圍單。闕值歲次。臯月十五。月正圓。
月圓不入九幽路。可憐祇照孤棲鷺。從夫立壤本初志。
豈以女幼身難拚。爲書遺令言。覩縷爲賦絕。命辭辛酸。
夜深開門見圓月。月印溪水光漫漫。是中洵爲吾死所。
請從此逝無盤桓。與齊俱入與汨出。有如曹娥投江水。
叔先赴驚湍。浮雲頓翳明月色。慘悽黯黯寧無端。我爲
此歌表奇節。奇節直與青龍之岡烏目之嶺爭巘。龍
青龍岡寶巖別名

補禽言

東坡云江湖間有鳥鳴於四五月其聲若云麥熟
卽快活歲在戊辰吾鄉積雨傷麥遂至大無民有

柳南詩鈔

卷二

古體二

十一

飢色因記禽

言以傷之

麥熟卽快活。今年陰雨綿。三月麥苗浸水半不實。田家
饗飧正苦缺。我腹雖飢忍相奪。

麥熟卽快活。今年升米錢十八。麥又半爛不可撥。十室
九空窮徹骨。微禽敢向田頭竊。

麥熟卽快活。今年四月憂轉結。官司有禁糴。忽遇沙村
海市愁米缺。我從何處分餘麩。

麥熟卽快活。今年收數殊短缺。那有餘粒漑微物。田家
盼斷官倉發行隨我族。散天末。

題搗菴太史九日遊潭柘寺画卷

霜鑄山容瘦。插雲風梳林。葉紛投壑節。逢上九景物幽。
人亦乘幽訪蘭若。

若字上官儀詩
作本音用從之

東臯先生好事者。蕭

散不受纓珮縛。同遊並是青鎖賢。休沐還尋山水樂。此
事詎今閱幾秋。爲我縷述猶如昨。京都有寺曰潭柘。紅
墻碧瓦山包絡。薄笨車子秃尾驢。不憚百里羊腸惡。歷
羅巖嶺折而西。攀藤附葛強捫摸。書生餘勇未可賈。流
汗浹背氣隕穫。須臾隔嶺夕陽沉。列炬照路驚山鶴。鶴
聲憂憂忽決起。連羣還向火光掠。俄聞鐘響烟中寺。此
去尙隔幾林薄。山深霧重化爲雨。雨點滅火路頻錯。前
途幸有山僧迎。抖擻濕衣登紫閣。禪床一宿魂夢清。枕
畔松風答鈴鐸。鐸明朝急向潭土行。古柘瞰水枝拏攬。有
如夜叉展鐵臂。參差撐突足駭愕。墻角殘碑剔蘚看。乃
知此寺金元作。到處題名記勝遊。淋漓不顧墨。瀋澗兩
日身行圖。画中歸倩好手試盤礴。名山卽是真粉本。圖
成歷歷可尋索。我今聞言更讀画。不覺心動神踴躍。負
琴攜杖怯衰老。宗炳臥遊尙可託。爲題詩句着佛頭。先
生一笑幸許諾。

三月九日攜菴太史招同勿藥硯亭遊三峯分韻

得仰字

遊山有宿期。招邀不容爽。朝來雲物晴。天氣殊開朗。小

柳南詩鈔

卷二 古體二

七

艇買楫頭。乘風移兩槳。一路水楊柳。綠絲臨滉漾。爲向
北山麓。舍舟從策杖。三峯如六字。嗟嗟慙幽賞。古寺故
前扉。透迤拾級上。林深滃濕雲。谷靜涵虛響。更饒萬玉
叢。嫋嫋新梢長。養風暑可逃。半榻期偃仰。擬謁聰公禪。
杖錫知何往。茶集岸道房。見王龍標集小啜識仙掌。白眉重
吾家。彩毫推吾黨。况侍玉堂仙。風流眞淡蕩。更向綠中
行。頓使晚心廣。百年會有盡。此生屐幾兩。堪惜萬蚊虻。
營營迷世網。何如此偷閑。到處攪林莽。斜陽促歸舟。明
月暈酒盞。且飲且復歌。一醉脫塵埃。

種竹十四韻

柳南詩鈔

卷二 古體二

三

竹類三十六。紫者尤可愛。西菴饒此種。阿師許我丐。還
憑鴨嘴鋤。剛來連土塊。種法記南枝。一叢分向背。手植
小窻前。呼童日灌溉。漸覺新葉抽。掩映生寒翠。得月微
弄影。迎風頻作態。休道只三竿。靈山溯根帶。西菴吾老
友。水隔一衣帶。對竹儼對師。引我入蓮界。如何是多福。
黍取不在外。如何是多福一叢竹見釋氏書是時三月暮。新笋如指大。
此卽是頭番。捎雲還可待。詩成刻節下。記取涪灘歲。

壑菴主人以龍井茶見餉。因用商邱集中龍井茶

詩韻爲作長歌

無色之中。眞色在。無味之內。至味含。世間萬物類。如此

而於茗飲尤宜。泰近代茶品推廟後，其次棋盤與梨尖。更聞龍井產絕佳，爲茶逸品超塵凡。廿年想望空谷裏，愛而不見心如惔。壑菴主人好事者，火前採擷搜窮巖。拍掀蒸焙盡厥法，不遠千里惠函緘。封稠疊殊鄭重，旗槍分別題紅籤。窮眼未識仙人掌，對此真如優鉢曇。朝來自吹松子火，颺颺蟹眼沸再三。紫砂試用宜與觀，烹來那許椒酥添。如乳浮花但餘白，如雪入口難療饑。一啜吟思頓發活，再啜睡魔兼可斲。色無色兮味無味，此中真意誰能諧。却笑中郎袁強解事，謂有草氣常相嫌。品目未當茶不受，譬彼賢士何傷讒。西湖蓴菜作羨

柳南詩鈔

卷二

古體二

古

好。與茶高潔還如驂。山水清淑鍾於物，二美洵可誇東南。吾家恭懿未免俗，酪漿羊肉嘗來甘。遂令平生所深嗜，一朝移愛成貪婪。堪嘆吾生年七十，食魚難得熊蹯兼。黃芽雀舌味已識，桑花嫩葉唇未沾。明年會鼓西冷棹，蘇公堤外摘滿籃。孤山處士靈不昧，還應笑我老益慙。

華山八景

幽澗笙簧

水流循曲澗，瀾瀾激石齒。韻之以松風，清吹斗蹴起。天籟滿空山，一洗箏笛耳。

石床夜月

桃笙酣五尺，銀蟾每虛度。何如卧雲根，夢隨月影赴。此
卽白玉床，應有紫雲護。神仙傳衛叔卿入華山有紫雲覆白玉床

松徑疎鐘

谷口翳松雲，隔斷紅塵路。忽聞響鏗然，隱隱透深樹。松
籟無古今，鐘聲有旦暮。

南山霽雪

高士卧空山，夜衾寒似鐵。晨起開南窓，日照滿山雪。轉
愁白易消，無以清詩骨。

深谷卧雲

柳南詩鈔

卷二 古體二

五

白雲滄山中，深處還如海。幽人愛抱雲，常共雲卧起。松
風吹不散，飄颻終無已。

道林故址

林公愛養鶴，久從鶴背去。留此青蘿洞，烟雲迷徑路。轉
疑雙胎仙，洞口猶軒翥。

三賢芳躅

愛蓮峯似蓮，昔有白民氏。朱嘗偕隱趙窟與王公並，結廬
峰趾何處弔遺踪。白雲深樹裡。

蓮峯晚眺

一峰撐雲立，仰視如蓮子。鳥路梯雲上，放眼窮百里。夕

陽明遠山和霞綯金紫

柳南詩鈔卷二終

柳南詩鈔

卷二

古體

去



虞山 王應奎 東淑

今體詩一

詠菊

半。蘸。霜。痕。半。帶。烟。一。叢。秋。杪。始。開。全。後。來。花。事。偏。居。上。
老。去。風。情。不。受。憐。荒。徑。與。松。爭。晚。節。齋。厨。和。杞。入。新。篇。
何。由。飽。喫。黃。齏。飯。治。躓。江。村。種。幾。年。

西郊看楓二首

一。藤。循。澗。壑。西。郭。看。楓。行。古。墓。蒼。涼。處。繁。霜。點。染。成。與。

霞。爭。氣。色。和。菊。老。風。情。寂。寞。西。川。叟。吟。魂。渺。赤。城。孫西川葬

柳南詩鈔

卷三 今體一

處爲吾谷
楓最甚

青。女。工。陶。鑄。寒。紅。取。次。成。井。陘。旗。歷。亂。金。谷。障。縱。橫。落。
處。和。雲。捲。聽。來。似。雨。聲。夕。陽。催。客。去。回。首。轉。分。明。

寄張大益士

矮。屋。頽。垣。接。市。闕。年。來。意。興。轉。蕭。閑。茶。經。細。辨。中。冷。水。
圓。卷。閒。臨。小。米。山。課。字。呼。兒。樽。榻。上。舉。杯。邀。月。到。花。間。
相。思。爲。望。行。吟。處。雲。樹。蒼。蒼。隔。幾。灣。

風鳶二首

聳。身。一。線。入。雲。高。萬。里。程。途。儘。自。豪。漫。說。春。風。解。擡。舉。
可。憐。牽。制。小。兒。曹。

村童牽引走江臯。若个當風路最高。頃刻飛騰定矜詡。
半生淹滯笑吾曹。

次韻答馮丈念修見懷

一老靈光在。頭銜署散人。念修自號東村散人十年論舊雨。小別

記殘春。病骨逢秋健。吟懷逐日新。相違衣帶水。詩卷寄

來頻。

秋風

蕭蕭蹴起洞庭波。暗息人間大冶爐。華簾夜寒占玉鐸。
繡簾晨爽指銅烏。六宮恩怨憑紈扇。一曲淒涼付井梧。
吹入官曹情味冷。不知誰解憶蓴鱸。

柳百詩鈔

卷三 今體一

二

秋水

不極空明望裡收。魚龍應覺夜悠悠。青菱紅藕三叉港。
碧月金風一葉舟。送客路從滄浦上。採蓮人立越溪頭。
最憐八幅烟波濶。展出湘江萬頃秋。

秋花

露重風淒也。自芳當春曾不借。餘光叢開堂北。應蠲念
小。綴牆東。合斲腸冷蕊。疎枝寒骨相。淡紅淺碧儉梳妝。
堪憐節序逢搖落。不見金堤鞭影忙。

秋草

無端碧色變平蕪。南浦還輸舊綠波。霜壓銅駝生意少。

烟籠金埒敗叢多荒涼夕照述青塚憔悴王孫斲玉珂
曾妬庾郎袍上采不堪黃落共庭柯

秋蝶

青陵曾占舊春風。剛到秋來類轉蓬。消息不堪傳絕草。
張煨咏蝶詩今夜若棲芳。夢魂終是戀芳叢。粉痕未許
草裡爲傳消息到王孫。沾秦扇黃額依然自漢宮。爲謝烏衣雙燕子。過時也復
出簾櫳。李商隱蝶詩回首雙飛燕乘時入綺櫳

秋燕

飄零如客轉栖栖。杜老詩中得品題。風撼銅餞巢不穩。
霜凝錦幕語還低。將歸尚作僊僊舞。少住仍憐點點泥。

柳南詩鈔

卷二 今體一

八三

贏得盧姬解相愛。杏梁明歲不教迷。

枇杷

清和節序果荒時。諺云枇杷黃果子荒却喜黃金綴滿枝。摘去還
應兼摘葉。茂陵人病要醫治。

正月十八日夜坐聽雨檢閱舊詩率爾成咏

臺更初動夜迢迢。枯坐何由散鬱陶。舊夢欲迷桃葉渡。
癸巳歲是日往白門。旅情猶記杜康橋。甲午歲是日在澄江斜風細雨憐兮夕火樹銀花憶昨宵撚彙十年詩句在滄江。何處着唐
瓢。

讀鈍吟集率成斷句二首寄姚丈輔功

小馮詩句玉溪同隸事紛然組織工訛處從君曾印証

張娟名字鯉魚風

集中誤使故實處余曾借為考正頗與姚文箋註合

邂逅山城記論詩馮家一派獨深知竹溪老去東村沒

寶伯居竹溪

念修居東村白首靈光是我師

過舊院遺址

在金陵府治東南二里勝國時置妓館于此

城南花柳久蕭條。尚說當年貯阿嬌。艷舞妖歌行樂地。鮮襟滅燭可憐宵。青山何處留香塚。綠水依然剩板橋。此日經過閒指點。夕陽芳草總魂消。

次韻張鐵岡學博春杪荒齋卽事二首

青山開馬帳。綠樹掩陶廬。詩思鶯遷得。春光柳外疎。花

柳甫詩鈔

卷三

今體一

四

殘仍貰酒官。冷不拋書。應笑樊遲鄙。惟知學種蔬。春光不到處。海上一蓬廬。病骨如花瘦。吟情似雨疎。蝶酣三月夢。蠹飽百城書。肉食非吾志。先生亦飯蔬。

南關曉發

煩襟帶露宿江城。記取排頭作客程。隔岸人家鷄亂唱。載將殘月一船行。

春暮過水南感述二首

祖姑丈廣文徐公隱居處

瀟洒茅堂碧柳陰。春深移屐愜幽尋。藥欄花嶼都依舊。只欠詩翁曳杖吟。

自主芙蓉又隔年。名山著述未流傳。著有易經解二十四

徧覓題詩處。已是青青薜荔牽。

韓園看梅卽事

江上園林百畝寬。梅花如雪萬株攢。從教身入和香化。
更喜開來似我寒。老榦撐烟臨小閣。閣名香雪殘英逐雨點。
層巒幾年鄧尉相思切。着屐還宜此地看。

贈徐丈山立

柳市猶存舊酒徒。蕭蕭雙鬢一筇扶。尊前留客談天寶。
燈下教孫畫地爐。玉局金盤狂謝墅。梨花竹葉倒黃壚。
于今都作樊樓夢。眼斜陽對綠蕪。

新柳三首

柳南詩鈔

卷三

今體一

五

寒蕪章臺路。風和灞水濱。橋邊無數樹。枝上不多春。瑟
縮纒舒眼。纖柔已可人。最憐微雨後。淡綠起鱗鱗。

一枝垂嫋嫋。溪上不勝情。綠並愁眉淺。黃依喜色輕。薄
陰偏駐馬。短葉亦勾鶯。漏洩春光處。香閨恨又生。

依依初弄影。丰度亦靈和。借得鶯黃色。垂于鴨綠波。葉
纖風細剪。線嫩雨微搓。容易生飛絮。春愁可奈何。

寒食日偕武若郊外看梅分韻得亭亭字

寒食今年暖更晴。江梅處處散芳馨。行來不覺溪橋遠。
坐久還催俗夢醒。花落鷗邊連羽白。枝橫竹外夾梢青。
勝遊更放西冷棹。試上林家放鶴亭。武若將有西湖之遊故云

夏日遊玉峯徐園有感

風潭百頃樹千章。說是裴家綠野堂。高會至今傳九老。
司寇公曾結耆年會于此。才名自昔埒三王。龍箋賜墨雲霞繞。
光雲影。鸞輅行春草木香。
聖駕南巡。曾幸園中。吟眺不堪尋在事。蘚痕空綠舊牆匡。

陸別駕九十

耆舊今誰在。雲間有士龍。青山消吏迹。白社了禪宗。上

客三千履。名園十五松。十五松別駕山房名。九旬猶抖擻。踏月不

須筇。

露涓宗丈八十

柳南詩鈔

卷三 今體一

六

讀書種子。在吟社。仰華顛。開寶詩中。史雲山。畫裏禪琴。樽間供具。巾拂小神仙。意外梅如雪。香風繞祝筵。

題画

淡烟疎雨畫冥冥。有客披襟立小亭。一段詩情吟不了。雲和春樹隔江青。

乙未元旦 是日立春

佳節欣相併。真成省事天。物情憑鼠卜。詩卷記羊年。屐從人笑。潘毛只是憐。協風吹雪盡。擬醉早梅邊。

題吳門蔡魏公胡姬出獵小照二首

平原草淺兔初肥。自挈胡姬學打圍。應有新詩成馬上。

墨痕狼籍染弓衣
路入邊沙冷朔雲呼鷹牽犬一羣羣
烽狼未息褒斜口
要借君家娘子軍

立夏前二日亦韓招集日華堂送春分韻得魚
一徑新篁一榻書靜中城市亦山居
開尊小聚金蘭友
下箸初嘗石首魚
芳意似隨紅雨盡
吟情還借綠陰舒
日華堂畔餘春在
擬倩長繩繫日車

仲夏話山堂雅集分韻得生字

琴水西頭屋數楹不離鬪鬪自幽清
檐牙綠樹斜連幌
屋角青山半跨城
小摘園蔬來舊雨
淺斟家釀咏新晴
柳南詩鈔 卷三 今體一 七
紀時又過黃梅節
木槿花開半夏生

寄宋玉才

分携剛半月節序又中秋
路隔濂溪水
語濂溪在唐市北宋所居也
人居夢曉樓
宋讀書處
八叉吟壘峻
九辨賦心愁
有約江楓
落尋君杜若洲

題蕉鶴圖卷

齒苔半池秋冷落
雲山一角曉空青
綠天菴畔風光好
小立還開相鶴經

早秋借寶文過吳門訪馮先生學坡卽事有作

共載期吾友
開帆趁夕暉
榻來臨頓里
爲訪小馮君

語識秋早燈花知夜分不辭相對久把盞細論文

冬日露滑丈招同侯秉衡吳靜川小飲話山堂賦

謝

檐落霜花報曉晴衝寒取次欸柴荆林泉活計歸吟
湖海雄心託酒兵饌擬春盤添餅餌文疎玉局愧羊羹
襄陽耆舊餘君在珍重年來結契情

次韻和譚生夢中得句

栩栩一昔采真游記取仙家物色幽洞口桃花秦世界
山中鶴氅晉風流吟殘心月靈臺曉題破身雲夢宅秋
是寤是思君莫問

寤夢思夢
見周禮

玄機要同化書求

柳南詩鈔

卷三

今體

八

柳枝詞四首

半縷墮匡半拂溪映桃映杏綠萋迷黃鸝若與添風景
飛上高枝盡意啼

弱態由來不自支垂于水面一絲絲隋堤見說風流極
十里清陰十里詩

春入江千萬樹新和烟和雨近清明水邊一隊青絲騎
愛向長條骨處行

綠干春水一行斜約略盧家與宋家妾似柔條郎似絮
年年飄泊在天涯

竹夫人和西京

一榻憑君伴寤歌。淚痕猶白染湘娥。節貞也復人因熱。
體倦偏憐着眼多。冊以高涼應不忝。棄同紈扇竟如何。
新銜誰錫青奴號。轉恐門楣累竹坡。

題介上人踏雪尋梅小照

村南村北跨吟鞍。爲訪梅花犯曉寒。了得禪機風雪裡。
不妨驢背作蒲團。

寄贈蓉江女史白雲道人

門外芙蓉夾水涯。遙知人面麗于花。窻開青瑣禁眉語。
囊疊紅牋託賦家。也有風懷憐豈蕊。竟無密意寫琵琶。
年來領取頭銜好。縹緲江天望轉餘。

柳南詩鈔

卷三 今體一

九

柳枝詞次韻和宋玉才

蕭蕭萬縷拂寒潭。雪壓霜欺也不堪。待得陽春枝上轉。
和烟和雨綠江南。

淺綠輕黃點染工。風絲雨線轉于蓬。垂垂不管興亡恨。
依舊三眠似漢宮。

依依風外惹離魂。情盡橋邊倒一尊。情盡橋在簡縣。露
雍陶改名折柳。
葉似啼眉似鎖也。應着土有愁根。

分手河梁怨寂寥。一枝珍重帶鞭搖。頭何限青青樹。
偏付離情與柳條。

春入江南萬樹同。獨舒青眼向東風。絲絲借得新鵝色。

頻浴疎烟細雨中

素風禪師五十

道高塵自遠。門掩綠蘿陰。眉帶烟霞重。吟連梵唄深。琴書分佛火。水石共禪心。五十成尊宿。江東仰道林。

六月二日諸同人集西澗中丞齋分韻再寄白雲

道人予村居未與他日中丞屬為補作忽忽未暇而道人和詩已至觸目斐然愧予獨無以引玉也

賦此以題詩後仍用分韻

銀墻朱戶不分明。吹下魚箋似玉京。格做衛娘書入妙。才分謝女字含情。花中寶蓋原蓬島。蓬萊山有竇文之。蓋道人字蓋仙故

柳南詩鈔

卷二 今體一

十

云鏡裡芙蓉亦錦城。家在蓉江莫改天風詩一句。且教人識

許飛瓊

輓宋玉才三首

夢曉樓仍在。吟魂竟渺茫。一棺逢白玉。萬卷墜青箱。楊

柳凋張緒芙蓉死。謝郎傷心吹笛處。只隔宋家墻。

一語成吟識瓊枝。損果果然。亦韓懷玉才詩有璋江一病損瓊枝之句慰情虛

蔡女閱世欠潘年。年止二十九芳草詩中路。春風夢裡天。

生騷眉意。篇什待流傳。

連床今已矣。踪跡記當時。紅杏知名早。青峯作合遲。琴

心清似水。病骨瘦于詩。埋玉年年恨。風搖掛劍枝。

白門旅舍送春

客裏光陰速。穠華瞥眼空。青溪三日雨。紫棟一番風。吟思啼鴉外。鄉心芳草中。故園多舊侶。鶻咏幾人同。

桃葉渡

當年桃葉渡。聞說最風流。曲按高樓夜。燈明水閣秋。青旗楊柳岸。紅袖木蘭舟。眼底繁華減。春風動客愁。

過宋玉才故居

宋玉臨江宅。春深鎖寂寥。簾垂風淅淅。人去柳蕭蕭。鼠跡凝虛榻。魚箋疊破瓢。那禁華屋淚。一洒舊溪橋。

上元後五日雨夜同露漚丈宿石經山房分韻得

柳南詩鈔

卷三 今體一

二

水字

小山台路石崢嶸。着屐來尋白閣僧。揮塵坐消檐外雨。擘箋吟對佛前燈。梅知鍊骨還留雪。筆欲生花自解冰。他日西窗尋舊夢。山齋聯榻記吾曾。

立夏日招同社泛舟西郊分韻得青字

落花風急曉揚舲。深入蕭蕭柳外汀。可鑑鬚眉惟水碧。堪醫塵俗是山青。吟邊鳥語通詩肺。愁裡年光付酒瓶。座上送春多白髮。憐予雙鬢亦星星。

題聞人大閑靜觀圖

獨立空山裏。悠然寄靜觀。梅花開雪後。香氣滿林巒。

子牛間小松風萬壑寒。此身疑羽化。縹緲白雲端。

亦韓既舉南宮引疾歸里喜而有作

投牒言辭玉笋班。歸來落葉滿空山。北窓自謂羲皇上
南面仍居圖史間。石掃寒青開薜徑。竹搖疎翠亞柴關。
過從我亦羊求侶。觴咏無愁歲月慳。

亦韓既和予贈句因再疊前韻

句。臚羣僂點朝班。獨憶尊罍返故山。峯叟故應居物外。

癖。王仍自在人間。玉川子詩人。一林榭葉牽雲落。三徑

梅花帶雪關。寒夜倘尋聯句約。今歲孟春君招余同以

草堂雞黍未應慳。

柳南詩鈔

卷三 今體一

三

九日集城東草堂分韻

門掩藤蘿舊隱龕。恰宜九日盃朋簪。吟毫彩共籬花吐。
酒面紅隨木葉酣。塔送風鈴爭鳥籟。山標石骨淨烟嵐。
小橋一曲尋詩路。疎柳斜陽冷碧潭。

省試報罷僉憲公以詩見慰次韻答之

學識猶疎辨孟勞。文場十載愧稱豪。曉霜坂上空爭路。
逆水灘頭漫着篙。決起自知材地淺。相依偏攬德輝高。
憐才今日誰堪託。未敢虛投雁與羔。

秉衡故居在盤龍白鶴之間水深土肥地產木

香稻可給衣食久客虞山眷然思歸偶得玉粒

蓮吉貝村之句圖之于石而命予足成絕句以當
息壤

玉粒紅蓮吉貝村。此中別具小乾坤。水三屋一叢篁。二
更種垂楊繞鞦門。

玉粒紅蓮吉貝村。小橋流水接柴門。何時呼我持竿去。
兩笠烟蓑放釣輪。

玉粒紅蓮吉貝村。竹爲籬落席爲門。深缸軟舖江南樂。
更醉田家老瓦盆。

西村訪友次韻

叢筍爭路發。老樹翬檐低。恰值清和候。來尋綠野棲。出

柳南詩鈔

卷三

今體一

三

波雙鷺浴隔竹。一鶯啼共話田園樂。那容笑向西。

過溪叢萬綠。一徑入張村。張村見元遺山集耕鑿淳風在。桑麻

野趣存。抵牆牛作字。戲水鴨能言。擬踐躬耕約。畝田敲

數盆。見前子

柳南詩鈔卷三終

柳南詩鈔卷四

虞山 王應奎 東澌

今體詩二

亦韓移居次韻二首

竹屋蘿亭面碧漪。從教國族聚於斯。不除綠草留生意。
可掛青山作舊知。天入空村雲亦好。客來孤館雨偏宜。
賈島詩孤館雨留人鹿門未必無全調。採藥依然樂唱隨。

平嶴漠漠水漪漪。眼底荆榛概斧斯。釣渚羈分鷗不覺。
柴門客到鶴先知。籬垂豆莢供餐好。岸繞桃花避世宜。
願小青山爭舊約。一竿烟雨待相隨。原唱云只有青山尋舊約不論朝夕

柳南詩鈔

卷四 今體二

鎮山

仲夏亦韓招集守東草堂兼送秉衡之太原分韻

得青字

藕葉菱絲綠滿汀。招尋喜慰草堂靈。且傾家釀消村雨。
爲送詩翁去井陘。練水尚紆船尾碧。鵲山剛向馬頭青。
憑君屈指歸期早。預辦湖橋舊酒瓶。

秉衡客山右署中有詩見寄賦此酬之

酒社兼吟社。非君意不歡。十年論舊雨。半載惜征鞍。暮
柝連愁急。孤燈入夢寒。彭殤齊得否。祝汝勉加餐。君近有殤

女之戚
故云

屈指知交內。無如髯也豪。酒腸鯨吸浪。詩肺海生濤。秋
老紅蓮幕。寒侵白苧袍。江村斜日外。吟望首頻搔。

故人千里別。烟樹望中深。黃葉愁邊下。青山夢裏尋。鄉

書通鳥路客。枕帶蟲吟。吉貝花應笑。官齋尙滯淫。君有玉符

紅蓮吉貝村之句楊野鶴繪圖搗之句荷

題畫蟹二首

纔向籠中出。紛然競仄行。持螯老手在。未許便縱橫。

六跪何爲者。空灘走疾徐。尖團無不美。門下議何如。

益士移居次韻

小橋南去隔塵寰。蟹斲魚磯占一灣。人在羲皇千古上。

柳再詩鈔 卷四 今體一

家。六水竹。萬竿。間菜畦。平剗墻東地。畫本剛留硯北山。

舊物不尙餘。種一片。好教籬落設重關。君近被竊故云

落葉次益士韻

亭臯風物入秋更。年長情懷觸目驚。木葉落長年悲見淮南子點徑

蕭蕭迷蘚迹。打窻撼撼趁吟聲。鴉翻凍影于巖亂。帶運

寒空。萬樹明留得長條。還挺立。春來依舊共芸生。

秋葉春榮似踐更。落時歷亂鳥還驚。蕭晨肅肅凝霜。

靜夜疎疎雜雨聲。風捲便隨吟屐遠。薪添猶給瓦爐明。

不堪蕭瑟湘江外。宋玉聽來恨又生。

金陵歸得益士見懷作賦此答之

檀欒牆外竹深深。翠掩雙扉斷足音。料得傳經人散後。
豆花棚下自行吟。

忙趁槐花漫着鞭。溝隍虛待也堪憐。朝來更益情懷惡。
水沒陶家下涇田。

皂莢村中得寄書。開函燈下慰離居。葉紅准踐溪橋約。
待借東隣秃尾驢。

咏蟹同許光庭作

八脆凌霜起。鬚鬚外骨適。草泥江岸晚。蘆葉板橋秋。利
爪舒金剪。肥筐蘊石榴。莫教虛左手。家釀况新篘。

消寒雜咏八首

詩鈔

卷四

今體二

三

掃葉

木葉重積隨風走。一庭偶憑苔帚力。便露蘚痕青堆
處。聚還散掃來稀更零。儉年薪自給。脫粟奈空瓶。

煨芋

風物山厨美。秋來紫芋饒。地爐埋雪夜。牛糞撥僧寮。把
臠先薑出。俗有芋先薑出則藪價賤之說香甜帶土燒。一枚誰領取。肉
食未應驕。

圍爐

禦冬憑火力。爐蕪小寒餘。短褐春溫重。吟肩峭冷舒。曲
房圍婦子。小榻擁簪裾。絕勝長安道。風霜策蹇驢。

補窓

窓紙經秋裂。重糊不費工。舊曾容片月。今喜闕尖風。竹影仍如碎。晨曦倍覺紅。清溫憑片楮。絕勝錦簾中。

負暄

淒涼餘短褐。就暖愛晨曦。墻角檐牙畔。風恬霧散時。黃鸝堪自擁。白醉亦難支。珍重君王獻。無窮草野思。

呵硯

石田呵自暖。凍墨轉氤氳。蕉葉凝纖雨。梨花擁濕雲。蕉葉梨花日。泓猶怪滴水。面已着微矐。珍重紅絲理。休教火

策動。

柳南詩鈔

卷四 今體一

四

護蘭

珍重杏之祖。三冬善弄藏。一叢移密室。小架近匡牀。土盎終宵火。鈞籠曉日光。殷勤騷客意。綠葉佇芬芳。

釣雪

冷絮風吹急。紛紛壓釣磯。一竿沙岸立。幾點白鷗飛。志在得魚外。晚從何徑歸。江鱸堪換酒。醉卧掩荆扉。

秋日同秉衡亦韓西京賓王遊徐氏遂園

十畝園林抱鹿城。偶攜勝友叩巖扃。秋光入樹全收綠。山色當門欲墜青。菊吐幽芳畝小砌。竹搖疎翠亞寒汀。廿年舊事人傳說。鸞輅行春到水亭。

九日同秉衡西京登馬鞍山限賦高字

江天搖落感今朝。客裏登臨興轉豪。自與秋山爭氣爽。
忽隨雁影入雲高。醉鄉日月懷千古。蝸角功名等一毛。
社鼓聲中人似織。恨無林木隔塵囂。

時因水災後山木盡伐爲薪

寄益士

去年人日訪柴荆。共嗅寒梅語晚晴。兩載鶯花空舊約。
三秋風雨起離情。瘦來贏得詩爲骨。病去仍須藥作羹。
聞道入冬愁緒減。竹溪松徑想吟行。

賦得新糊窻紙添虛白次西疇韻

一片空明入矮檜。鍵關且喜託毫尖。箋裁小幅雲爲障。
光透疎楞玉作簾。月趁虛痕抽竹影。雪交白色冷書籤。
殘年燈火能消受。佳趣還從寂寞添。

亂南詩鈔

卷四 今體一

五

粘將浮碧障虛檜。觀白何須在鼻尖。不夜恍疑珠映戶。
却寒底用烏爲簾。光通水觀全無翳。朗入經函合下籤。
認是琉璃籠眼界。禪機應向此中添。

咏方竹杖

惟圓堪入俗。兄乃尙廉隅。李德裕問甘露寺僧曰方兄無恙否蓋謂方竹杖也六
外全疎節。虛中挺瘦株。此君幸無恙。我老亦相扶。休落
模稜手。應嫌品格殊。

李將軍墓

吳越將李開山葬常熟縣東四十里

狐穿兔穴任憑陵。人往千年墓未崩。半畝依然臨野水。
四王何處問荒陵。牛羊笛裏寒金甲。風雨聲中冷漆燈。
可惜殘碑隨草沒。一坏他日恐無徵。

冬日田園雜興社集限韻五首

時交三九值天晴。輸罷官租睡自清。爲避風寒塗北戶。
愛依日暖坐南榮。草堆壁角藏蘭葍。蔓剪檐牙卸豆棚。
田舍紛紛誇節物。龜團佛粥漸關情。
役車初罷入殘冬。幽事關心不放慵。竹子網籠餘絡索。
木奴草護轉蒙茸。厨供菽乳冰全透。畦剪蔬牙雪半封。
早務書窓閒料理。漫塗春帖贈山農。

柳南詩鈔

卷四 今體一

六

完和早謝長官。風雨販荆扉。畫亦局紫芋。烏菱盤錯落。
深缸軟鋪夢。清寧霜濃貪着黃綿襖。雪積催開白酒瓶。
改歲又循幽舊俗。壁間熏鼠晚烟青。

風吹筆策正嚴寒。卒歲優游事幾般。火爆爐頭尋紫栗。
蔓除牆角落黃團。閒牛齧草眠高隴。哀雁盤風下淺灘。
向晚溪橋飛冷絮。披蓑剛理舊魚竿。

漠漠寒雲四九天。貧家風味亦翛然。臘醅計日成紅大。
午饌隨時劇玉延。近局人聯香火社。隔年僧乞佛燈錢。
山童爲報梅花信。待訪溪邊與澗邊。

寒林震撼朔風顛。寂寞牆東鳳歷傳。春氣着人剛五日。
十二月二十。梅花別我。又經年。室規十笏堪容膝。書齋初成
五日立春。役赴三冬。乍息肩。去冬有白芾之役閒事關心還。笑護持溪
柳待纒烟。

新年二咏和友人韻

白掃如椽筆。圓囿一昔陳。踏來渾作賤。畫就略遮貧。半
掩苔錢舊。還連粉印新。千鍾人有願。此願竟誰伸。米圃
要達陽春意。全憑線作媒。炷香須胆大。發火便心灰。逆
散柴。皆雪連轟出。地雷柴。門新氣色殘。紙捲成堆。爆竹

盆梅次韻

柳南詩鈔

卷四 今體一

七

只爭蒼老不爭長。土盎垂垂自在香。幾費剪裁留瘦影。
不多法。榦發孤芳。琴南合入。桓伊弄硯。比堪柔。宋璟腸
尺寸儘饒。庚嶺色。春來底要軟輿忙。

新葺書齋作

小結書龕菜圃西。蘆屏竹几稱幽棲。當門舊種先生柳。
繞壁新塗隱士泥。簾卷蝦鬚通社燕。籬編麂眼限鄰雞。
近同摩詰空諸有。斗室還將十笏題。樹之楣曰
牆東十笏

諸同人和予前詩再疊原韻六首

息影何曾笑向西。牆東有地得安棲。半椽自闢維摩室。
一簣寧須海粟泥。菽水尙慚還哺鳥。詩書待學補晨雞。

年來此意君知否。爲倩吟毫拂壁題。

磳硯頻年東復西。言歸聊覓一枝棲。繞簷喜有松爲障。
塗壁曾無麝和泥。蹄下涖堪舒酒甌。甕中天自無醞雞。
朝來蓬草生光彩。陋室偏邀椽筆題。

烽烟聞道息關西。黃葉村中得穩棲。十笏儘堪修白業。
一亭底用問紅泥。名心却笑拖腸鼠。晦跡渾如斷尾雞。
他日剡溪能泛雪。壁間應續舊時題。

茅齋重葺柳村西。紫燕春來識舊棲。入世難憑三寸管。
閉關三覓一丸泥。倦飛松下羊公鶴。木養籬邊紀渚雞。
珍重梅花還繞屋。暗香疎影待君題。

柳南詩鈔

卷四

今體一

八

虞山東下白茆西。斗大茅廬儘可棲。拙自勝鳩能補屋。
巧還輸燕也添泥。雄談已倦休捫蝨。生計無多且祝雞。
喜是故人情意好。壁間新得數行題。

十笏平連老樹西。非僧也復構禪棲。聊憑黃奶勾清夢。
敢道青蓮拔汚泥。露濕松間晨飼鶴。日移柳外晝鳴雞。
芭蕉分後天皆綠。一首新詩一葉題。

秉衡惠葫蘆種子口占以謝

秋按幽風說斷壺。更聞長柄出東吳。多君分得籬邊種。
瓠落還應似我徒。

休將學圃笑吾徒。隱矣焉知壯事圖。墻角籬根多隙地。

四家並約種葫蘆。亦韓西京兩家並饒此種。

清明後三日集亦韓郊居分韻賦春日田園雜興
得十蒸

麥翻翠浪一層層。農事東臯尙未興。楊柳堤平喧牧笛。
桃花水暖篊魚罾。盤登芳饌新挑笋。竹界清溪乍種菱。
小雨初晴風日美。踏青兒女滿郊勝。

城歸夜行

追隨憑一力。露重濕行躡。月黑塗還悞。潮衝岸欲崩。沿
村吠犬古。渡滄漁燈。領得淒清意。香風動麥勝。

春日連訪西疇主人不值口占題壁

柳南詩鈔

卷四 今體一

九

草生林水外。過訪惜綠慳。犬熟頻來客。風開半掩關。籬
根花白媚。柳下犢常閒。迎送憑幽鳥。聲聲出樹間。

邵髻山居今爲酒肆春日借秉衡憲南鼎成小飲
爐頭憮然有作

昔日髻翁嗜麩生。山居死後作旗亭。紛紛遊冶還知否。
一盞須澆柳惲汀。

樵菴珍重舊詩瓢。髻詩有樵語菴集字字清新句句豪。今日簾

櫳還想像掀髯一笑吮吟毫。

浮嵐暖翠舊山房。髻所居舊顏浮嵐暖翠記叩烟蘿訪酒狂。笑語

逢迎猶在眼。隔牆墓草又荒荒。

朝來結伴到山村。小飲黃盞白酒。渾醉後忽聽隣舍笛。
桃花林外弔詩魂。

二老城西並擅竒。楊家畫筆子鶴。鈞家詩可辨。剝笋風流。
盡慟哭山亭被酒時。

三谷過訪不值有詩見寄次韻答之

過訪偏逢采藥行。知君小住愛窻明。村中看待無他物。
半是花香半鳥聲。

從永清乞芭蕉

羨君忘北綠天清。帶露朝來乞一莖。葉底他時聞夜雨。
瀟瀟應亂苦吟聲。

柳甫詩鈔

卷四 今體二

十

端陽後三日同秉衡西京訪亦韓東臯草堂留飲
竟日分韻得雲字

積雨空階半蘚紋。幽尋還許細論文。青山繞郭有詩意。
翠竹橫窻無俗氣。酒態不禁當席見。秧歌且喜隔溪聞。
菖蒲灣口橋西路。記取三回踏水雲。
自丙午至今每歲
天中節後輒賞泥

過訪

夏日送葉大秋林北遊

桐花落盡曉風前。惜別河干一黯然。柳色汀亭初過雨。
槐陰驛路不離蟬。到來紫陌塵如海。吟向青山句似仙。
早晚藍橋須踐約。請君休戀賣文錢。
君未成
婚故云

早秋過益士村居

豆莢花開溪水平。

七月水爲豆花水。

扁舟十里訪柴荆。枕流門

巷。菰蒲色過雨。園林鳥雀聲。子母瓜從籬。小長翁孫竹。

向卷中生。

出示。畫竹。

談深坐待西窗月。吟思還教入夜清。

早秋集牛山樓分韻得橋字

一樓平攬翠峇峩。臨眺朝來暑乍消。水面紅粧明菡萏。庭心綠影散芭蕉。酒徒半是高陽侶。吟客還思丁卯橋。

樓中前次社集許文南次與焉今已云沒。

却喜晚涼通曲徑。竹梧牆角更蕭蕭。

寄益士

柳南詩鈔

卷四 今體一

二

賃得橋西屋。數楹羨君早已赴。鷗盟雨灣止。水自成趣。一角意山殊。有情畫裏寒筠多。雨意卷中新句半。秋聲別來又作相思夢。隱隱空梁夜月明。

秋日西疇水亭相繼過訪並出花字韻詩見示卽

事次和

多情惟三仲。取次到寒家。窻冷通梧語。甌香泛乳花。詩從籠袖見。酒擬過牆賒。徙倚東籬下。南山一點斜。

江村晚步用前韻

小步江村上。佃漁只數家。叢殘牛跡草。散漫馬蘭花。隔竹炊烟冷。投林鳥路賒。適逢樵客返。共話夕陽斜。

秋夜宿太原書齋卽事

雨過溪亭爽氣通。石闌干外亂鳴蛩。羅短鬢處無明月。
幾葉芭蕉捲晚風。

戊申除夕同西京分韻得除字

半爐檮柮一床書。寂寞墻東伴索居。送不了窮休。結柳
簪偏宜散。願爲樗向梅小酌。花同醉對燭微吟。穗共舒。
喜是漢廷恩浩蕩。田租還與歲兼除。

新正三日集草軒分韻得軒字

近市仍無車馬喧。朝來爲客啟幽軒。壺藏日月迎新氣。
壁走龍蛇認舊痕。忽發狂吟偏跌宕。頽支春色絕清溫。

柳南詩鈔

卷四

今體一

十一

盆梅也識詩人意。早送寒香入酒尊。

立春書懷再用除夕韻

占稔惟憑汜勝書。朝來晴旭滿村墟。梅開僻徑香偏遠。
春到孤窓冷未舒。丁字簾還遲燕燕。鞦韆水已動魚魚。
新愁舊恨知何限。要倩東風一掃除。

正月十八日雪後僉憲公招集雲飛天外軒分韻

得青字

一庭寒玉映疎櫺。吟賞朝來繼聚星。逸興翫移東郭履。
幽盟敢負北山靈。早梅的皪疑新白。遠岫微茫失舊青。
節過傳柑餘樂事。不教高卧掩雲扃。

立夏前三日三谷招集西疇草堂分韻

松門蘿徑自幽深。嘉會朝來笠盞簪。藤着紫英垂串串。
竹抽青笋立森森。酒尊欲挽殘春住。日影剛隨小雨沉。
却憶孝章航海去。謂逸花前無復共長吟。

踈柳古槐高挺處。綠陰如雨洒塵襟。隔林隱隱山平遠。
繞屋灣灣水淺深。海杯湖成小聚。鶯啼花笑引吟心。
西園圖倩王維筆。俾有芳蘭撫有琴。

前題和寧野韻

楊柳村西舊隱龕。流鶯喚客壁雙柑。砌花釀雨紅偏艷。
庭樹吟風綠正酣。盡日酒兵兼茗戰。相從硯北與琴南。

柳南詩鈔

卷四 今體一

三

攬衣話別柴門晚。一抹殘霞掩翠嵐。

雨夜宿石經山房與素公話舊作

話雨同詩老。謂露山齋記榻聯。轉頭剛入載。此叟已重。
泉檐漏仍今夕。缸花似往年。鐘殘清夢冷。窻外竹相憐。

柳南詩鈔卷五

虞山 王應奎 東澗

今體詩三

新鶯

長日薰風暖。雛鶯乍學飛。半簾新雨後。滿院綠陰肥。砭俗聲猶澁。遷喬力尙微。物情憐幼小。可愛現金衣。

寧野六十

石橋東去掩松關。茶竈琴床鎮日閒。生比江潮先七日。人如海鶴在三山。吟懷自託千秋上。儒行惟留一畝間。欲與黃花爭晚節。年年手植繞溪灣。

柳南詩鈔

卷五 今體三

一

誰託忘年古處敦。舊遊歷歷忍重論。舟聽夜雨春申浦。蹇策西風白下門。衰袞諸公仍道路。是時方閑閑桑者。值省試白邱園。濡臺請譜千秋歲。要借新詞侑一尊。君工長短句故云

僧舍訪菊次寧野韻

寒香飄隱隱。似與客相期。竹裏藏蘭若。門前縛槿籬。到來如入畫。坐久自成詩。暝色迷歸路。松林月上遲。

寧野菊圃小飲限東籬二字

葛巾初漉罷。便約過溪東。陶令千秋意。吾儕一醉同。花明霜葉外。香冷鴈聲中。欲去還依戀。斜陽照幾叢。幽香通暗竹。一徑入陶籬。天暖小春候。菊開斜日時。疎

叢烟外冷瘦影石邊歇。花主偏能韻。開尊索賦詩。

己酉除夕分韻

閒中日月去堂堂。渾似輕撓下急瀧。縱酒還乘今夕興。
題詩仍按去年腔。爆聲續續喧村市。燈影依依落紙窻。
覺有寒香在何處。橫斜幾樹傍漁江。

庚戌元旦分韻

仙萸一葉報今朝。應候條風起四郊。米囤乍描矜暴富。
梅魂初返當新交。晨曦送暖臨牆角。凍墨流香暈硯均。
要識溪頭春意動。垂垂柳欲放烟梢。

新正三日集草草軒限賦風字

柳南詩鈔

卷五 今體三

二

去年今日記過從。促坐傳觴矮屋中。斗酒朝來尋舊約。
盆梅花發又春風。紅爐火活寒微滅。白紙窻明日乍烘。
門外卽看塵似海。吟聲應訝隔簾通。
軒臨街故云。

遊智林寺訪鑿公再用風字

樹隱招提約幾重。尋僧恰喜故人同。春回無復吳天雪。
羽退真如宋地風。
是日值狂風。隣院經聲還落落。新年佛火
覺融融。隔林斜日催歸去。回首烟嵐半彩虹。

顧氏小園看梅六首

隱隱寒香籬外飄。春光取次到元宵。踏燈都向山城去。
誰訪梅花過野橋。

寒雀群棲竹外枝。柴門叩處雀驚飛。開門鎖向花前
不到斜陽不肯歸。

繁英繞樹白漫漫。斜出疎籬淺映灘。夕照半園香雪冷
整巾背手仰頭看。

小圃梅花約數枝。枝枝屈鐵古而奇。看花擬縛杉皮屋
坐臥梨雲十二時。

梅開梅落歲頻更。多少英雄盡古墳。眼底有花須解看

隔籬誰弔李將軍。

副後卽
李墓

亭亭玉立照爛羅。銅井銅坑未足多。牆角一枝開不足
似留寒艷待重過。

柳陌詩鈔

卷五 今體二

三

次韻答西京見懷

入春憐客况。聞住錦帆涇。水攬無邊綠。山迎未了青。愁
予明月夜。夢汝子雲亭。珍重相思句。清新壓四靈。

春日郊行

白挈奚囊去。行吟向水濱。遙山青一髮。垂柳綠三分。不
奈春將半。其知日又曛。愁予還渺渺。目斷隔溪雲。

立夏日集西疇草堂分韻

臨溪竹屋半雲封。小聚還追六逸踪。叢桂繞檐抽葉暗。
古藤纏木着花穠。春歸已悟繁華夢。酒熟從澆塊壘胸。
爲愛綠陰新潑樹。倚闌吟煞夕陽鐘。

初夏登瑤鴻閣分韻得花字

小閣遙連密蔭斜。鈎簾野色望中賒。還憑逸興聯遊屐。共把吟情寄落花。榆湧綠雲橫殿角。桐拋碧玉立檐牙。憑君駐景留吟賞。爲借丹爐一品茶。

夜夢至小楞伽覺而賦此

山寮借榻記吾曾。

丙子歲山遊寄宿彈指已三十五年

竟夕松風帶雨聲。

三十餘年重入夢。夢回依約佛燈明。

曾向春風問舊遊。綠蘿門巷失山陬。

壬寅歲同許前交家露潛往遊竟迷

其處而今夢裡分明在。落葉蕭蕭滿院秋。

小春二日寧野招集書齋賞菊分韻得鹽字

柳南詩鈔

卷五 今體二

四

年年種菊似陶潛。移入書齋樂事添。香透風前餘冷淡。花開霜後脫穠纖。多君愛作持螯飲。有客能歌阿鵲鹽。

水亭於酒後度曲

記得吟梅分險韻。朝來對菊訝重拈。

今春寧野招隱

梅花下分韻亦得鹽字

前題和應上韻

瓦盆移植一叢叢。幽賞朝來許我同。風景留人斜日外。年華轉眼冷香中。吟懷自覺逢花長。愁緒還應對酒空。爲愛幽芳拚盡興。燈前認取影玲瓏。

過朗城卷

卷中古桂二株相傳爲宋時所植法華經亦係宋板

隔斷紅塵路。門前烟水深。波光寒佛面。秋氣冷禪心。庭

桂枝全秃。函經蠹半侵。我來方日暮。落照滿疎林。

庚戌除夕分韻

庭喧爆竹散林鴉。又見江村換歲華。賣不去癡猶故我。呼能如願是誰家。梅欺朔雪剛含笑。燭候新詩漸吐花。明日積陰須破盡。晨曦早盼上窗紗。

辛亥元旦分韻

報晴烏鵲噪江村。喜是瞳矐曉日溫。檐雪白留殘歲色。盆梅香返去年魂。功名漸法爭蝸角。淡泊還能咬菜根。雙鬢又看青鏡裏。朝來添得幾霜痕。

新正三日集草草軒限春字

柳南詩鈔

卷五 今體三

五

椒觴又喜草堂陳。記取排頭第一巡。會續傳生溫昔夢。人來舊雨咏芳辰。半爐杼火消寒色。一點梅花逗早春。與劇不愁檐漏急。儘教回往墊烏巾。

初四日集南村草堂限年字

雨收竹外散寒烟。邀取風光上客筵。飲對鵝兒分酒色。庭畜新鶺鴒雙。詩題半日擘蠻箋。一壺天地涵春意。十笏軒窗駐小年。醉索梅花同一笑。殘杯戲醉短檐前。

題春晴同遊西山畫卷

卽以題爲韻

十里湖山過雨新。酣紅嬌綠媚殘春。筍鞋擲笠斑藤杖。去作看花局裡人。看花局見宋小說

浮嵐暖翠一層層。人在黃家畫裡行。如此風光須縱酒。
三春能得幾時晴。

朝來聯局踏殘紅。遊侶分明六逸同。爲訪高僧深樹裡。

枳花門巷小溪東。

謂萬松菴主人

日暖黃蜂也出遊。亂隨藤杖度林邱。石楠枝上苔花活。

知是空山雨乍收。

好山多在殿橋西。處處松岡間竹畦。拂水莊前三里路。

雨餘無樹不鶯啼。

小幅疎林平遠間。倪迂筆墨落人寰。還須添箇墻東客。

畫裡平分一角山。

柳南文鈔

卷五

今體三

六

秋日送亦韓往金陵分纂江南通志

幾年仙詔謝籠樊。名落人間轉記存。此去大書成信史。

朝來小別也消魂。水吞離恨東臯路。東臯君隱居處也山送吟

情。白下門。我亦秋風頻作客。黑貂裘敝不堪論。

鯉魚風起水悠悠。桃葉青溪問舊遊。債了文場剛八載。

書編志局又今秋。薜蘿從此牽離夢。絡緯先教織別愁。

畢竟飢驅陶令去。松筠空鎖草堂幽。

九月十三日季戒置酒秋水閣諸同人並集卽事

錦峯西去舊山莊。載酒朝來泛野航。堂問耦耕餘蔓草。

閣登秋水儼靈光。鏡奩平攬晴湖白。雲海遙撻野稻黃。

文字飲饒君輩在。笑予不速更疎狂。

十四日復集雲飛天外軒卽事

風急江城木葉疎。山樓昨日快提壺。尚餘逸興牽遊屐。
重洗殘杯會酒徒。鏡裏秋光雙鬢菊。尊前吟思四腮鱸。
歸途已是更^許動。醉影離披倩月扶。

立冬後二日寧野招集書齋賞菊分韻得東字

叢開老圃殿秋容。霜後仍榮闌檻中。高士又逢彭澤令。
酒徒兼得斛斯融。不堪淅淅摧花雨。更值蕭蕭獵葉風。
未免停杯憂桂玉。恐兒索飯泣門東。
連口陰雨市中柴米騰貴故云

悼鶴次蔣太史迪甫韻三首

柳南詩鈔

卷五 今體三

七

竹徑松階絕影形。悲風瑟瑟雨冥冥。追魂尙想華亭唳。
藏魄誰題貞白銘。赤壁共遊虛月夕。青田招隱失雲翎。
天公自是無情甚。不爲林家眷此丁。

幾年仙客共忘形。化去從教返紫冥。華表尙期留後語。
青山早與勒新銘。嶺頭望斷翔雲翮。月下疑來舞雪翎。
孤影獨從庭際立。分明失侶似單丁。

白雲深處忽藏形。嘆息魂兮入窅冥。對月撫琴空有怨。
臨風揮淚不成銘。翻來小甕餘殘料。行去空階得片翎。
飲啄當時煩檢點。而今聞却舊園丁。

壬子元旦

限春字

竹爐活火曉氤氳也覺寒齋氣象新苔長一痕消受雨
梅舒半萼透支春時去立 春八日山川預恐違良友時西京受 鄂相國之

聘計日菽水初謀奉老親今歲始提 作食子近局隔年還有約

北行 溪橋杖策不辭頻

蓮子燈 東衡齋社集 題限燈字

銀缸明比練波澄。樣借蓮房製就燈。忽訝春宵呈紫葭。
恍分秋實付青凝。元遺事寧王木 雕婢執燈爲青凝輝輝似電開湖日。
煜煜如珠貫綵繩。信是光明多種子。還將九品問南能。

雨中杏花 限斜字

開當白粉幾枝斜。不奈蕭蕭雨似麻。春意關時愁濕重。
柳南詩鈔 卷五 今體三 八

錦坊立處望睛賒。隣舍失路園難入。賣爾無聲巷不譁。
想見玉樓人醉後。不辭泥濘控青駟。

雨中春樹此尤嘉。半面粧還壓衆花。我見猶憐殊黯淡。
美而無子又欹斜。種貴千葉 不結子曲江綺席逢泥滑。潑火流
年記物華。汗濕玉環差可擬。盈盈轉喜潤紅霞。

次韻題虛白室

無妨屋小與牆卑。贏得週遭白影隨。太素自留壺內地。
空明難着壁間詩。雪凝曉色鈎簾早。月送清光鍵戶遲。
更喜紅塵飛不到。白雲遙爲作籬籬。

仲春雨霽西疇寄詩有武陵園中看梅之約幸爾

次和

隣圃梅初放。香風逗晚晴。擬搗雙屐健。待試袷衣輕。忽寄相思句。知君共此情。直須乘夜月。幽賞到參橫。

春杪送西京入都赴西林相國之聘

人與春俱去。朝來別里閭。西山如歎爾。西山在南浦正順天府

愁。芳草縈離夢。殘花點客裾。他時如見憶。書札託雙魚。

行色憑書劍。遙遙冀北程。借君潭內水。驗我別時情。官

渡明斜日。郵亭亂曉鶯。登仙如李郭。爭羨共舟行。時與吳門

祭魏公河往

柳南詩鈔

卷之五 今體三

九

千世吟成癖。山巔與水隈。白頭剛入幕。黃閣最憐才。席喜鄒枚接。花期李郭開。倚闌人健在。遲汝好音來。

寧野芻齋落成約同人賦詩卽限成字

小結菟裘傍季涇。了無華彩有餘清。朴徵宋玉誅茅意。儉識劉家斧木情。屋角蕭疎叢竹掩。檐牙屈曲老梅橫。思量亦卜南村築。十載經營計未成。

澄江寓中雜咏

十年不上杜康橋。初泊雨蕭蕭。投宿倉皇記此宵。信足可憐迷舊路。

重攜襖被舊江城。秋入僧寮暑氣清。存没升沉兼聚散。

數來老伴只候生謂秉衡

軒開三影會詞人猶憶題詩寄白雲壬寅春日亡友吳靜川集同人於三影軒分韻賦詩以寄白雲道人道人江上名俊也廣福寺西餘蔓草重來何處

問紅裙

竹露荷風隔院清小庭科跣坐黃昏薄雲未散月上

一寺秋聲夜閉門

遊賞韓園約十回梅花猶記滿林隈不知香雪樓前樹

鐵幹於今大幾圍香雪樓前二樹相傳爲宗時植

殘夢驚回隔院鐘踈踈窻隱隱入涼風朝來說是中元節

無復家鄉飯二紅吾鄉之俗中元日以赤豆和米煮飯意卽東坡所云二紅飯也而此地不

柳南詩鈔 卷五 今體三

然

暮秋西疇招飲限聲字

西風着意轉秋晴爲速吟壇續舊盟菜圃漸肥霜後甲
楓林頗作雨來聲金盞玉盃時新味漁弟樵哥繼繼情
菊未南隣歸路晚夕陽影裡冷香清

秋日約素公同遊三峯

不踏烟巒十五秋松門竹徑記深幽擬分長壽清開日
素公居重作三峯汗漫遊虛榻夢隨黃葉冷空林影共
長壽菴白雲留此身未往心先往爲我緘詩報賈休謂三峯主人賈公

遊三峯呈賈公

叢筍老樹古珠林。落葉蕭蕭一徑深。踏碎夕陽勞短策。
坐殘佛火費長吟。山空禪榻連雲氣。夜靜松風答梵音。
不飲詎須寬酒戒。此來乞與我安心。

送西京重至都門

某邱兼某水舊路記分明。此去仍東閣。朝來又北征。斜
陽移客影。落葉帶愁聲。關吏如相識。應憐回往情。

壬子除夕

紙窗燈火影相親。堂上辭年又一巡。市鮮爆聲知歲儉。
盤無兼味信家貧。寒畦竟絕三冬雪。殘歷先開十日春。
檢點生涯。樵斧在。明年仍作負薪人。時余年四十有九故云

柳南詩鈔

卷五 今體三

十一

癸丑元旦

雙丸底事去匆匆。半百年華一瞬中。詩卷叢殘仍硯北。
梅花消息又牆東。舉頭望斷知時雨。杜詩好雨知時節。時方對雨故云。
回首猶驚壞劫風。去秋颶風為災。海濱之流人死無算。節物無心拈柏酒。

秋聽四野徧哀鴻

新正四日水亭招集草草軒用石田半清軒韻

山家節物自贏餘。踏雪招邀話索居。羊日春風偏覺冷。
鷗盟舊侶不教疎。鈎詩頻過隣牆酒。疥壁還留隔歲書。

壁間有余去歲留題之作。取次梅花開小徑。柴門可許命巾車。訂於人日

盧集敵

人日集墻東書屋卽限人字

硯北琴南迥絕塵。恰宜觴咏競靈辰。休徵已兆檐前日。

俗傳是日晴主人無病小聚真成劫後人。一點梅花春氣色。十分

吟興酒精神。當筵並軫飛鴻苦。高義知誰指一因。

十三日寧野招集梅竹之間分韻得春字

江郭瞳矐曉日新。草堂文酒又斯晨。綠添徑竹初收雨。

白斂園梅尙欠春。別有清風行樂地。自成吟伴素心人。

明朝古寺尋僧去。更擬携筇繼後塵。訂於次日同訪智林鑿公

十八日赴梅林書塾諸同人以詩贈行卽次原韻

留別

柳南詩鈔

卷之五 今體二

三

幾年閉戶事丹黃。又爲飢驅整客裝。白社便違三益友。

絳帷仍挈五經箱。柳烟漠漠溪邊畫。梅雪霏霏夢裡香。

春色何由同管領。臨期那免轉愁腸。

麥蠶

筒上宜分取。殘春農乃嘗。貯筐搓欲軟。上磨碾須長。絕似原蠶細。如門煮繭香。品齊櫻共笋。捻轉進厨娘。

蠶豆

滿畦垂嫩莢。采采便盈筐。色借女桑綠。熟先牟麥香。絕勝籬下種。欲向箔間藏。喚作元修菜。詩家品日良。

三月望日集西疇草堂分韻

時序江村正浴蠶。朝來吟客集溪南。青氈乍失王家物。
先兩日主人被竊。玉塵仍高夷甫談。松帶水聲。參茗竈。藤分霞色。暈書龕。
堂前紫藤正放醉歸那怕溪橋晚。圓月還看照碧潭。

次韻和兩疇七十自壽之作

芳樹平疇筆。宏春分明人是畫。中身鹿田聽雨。追臯羽
蓮。社餐風。擬伸倫十畝。寬閒乾淨。土兩朝長養。太平民
忘年得附羊求侶。唱和從教老愈親。

行藏底用問巫陽。小隱漁村歲月長。黃菊開遲偏耐冷。
紫蘭紉久有餘香。劫逢泮水魂猶悸。遊憶名山興轉狂。
長我廿年身尚健。應憐弱質鬢蒼浪。

柳南詩鈔

卷五 今體三

十三

癸丑除夕 限除字

蕭蕭暮雨暗村墟。息影燈前且自如。飢饉人情輕令節。
清貧風味重寒蒞。雄心祇與隨年滅。吟興寧教共歲除。
半百已過成底事。酒闌回首一歎歔。



